

Nodiadau Canllaw ar gyfer Ffurflen Apelio Atebolrwydd Treth Cyngor

Pryd i ddefnyddio'r ffurflen hon

Gallwch ddefnyddio'r ffurflen hon i apelio i Dribiwnlys Prasio Cymru (TPC) yn erbyn swm y Dreth Gyngor sy'n ddaliadwy oherwydd y rhesymau a restrir isod:

- Rydych yn credu bod y Cyngor yn ceisio codi'r swm anghywir arnoch am ryw reswm (er enghraifft, rydych yn credu bod gennych hawl i gael disgownt).
- Rydych yn credu na ddylai fod yn ofynnol i chi dalu'r Dreth Gyngor o gwbl (er enghraifft, am nad ydych yn preswyllo yn yr eiddo dan sylw neu os nad chi sy'n berchen arno).

Sut i apelio a phryd

Cyn i chi fedru apelio i'r Tribiwnlys, mae'n rhaid eich bod wedi ysgrifennu at y Cyngor yn egluro pam rydych yn anghytuno gyda'u penderfyniad i godi treth cyngor arnoch. Dylai'r Cyngor fod wedi anfon ymateb atoch o fewn dau fis.

Os nad ydych yn fodlon ag ymateb y Cyngor gallwch apelio atom. Os ydych eisiau apelio, mae'n rhaid i chi gysylltu â ni o fewn dau fis i ddyddiad ymateb y Cyngor. Os nad yw'r Cyngor wedi ymateb o fewn dau fis, gallwch apelio atom cyn belled fod dim mwy na phedwar mis wedi mynd heibio ers i chi ysgrifennu at y Cyngor yn y lle cyntaf.

Os ydych y tu allan i'r terfynau amser hyn, cysylltwch â'r Tribiwnlys. Gellir derbyn apeliadau hwyr o dan rai amgylchiadau.

Geiriau a ddefnyddir ar y Ffurflen Apêl

Cyngor – weithiau yn cael ei alw'n 'Awdurdod Bilio'. Dyma'r corff sy'n darparu gwasanaethau lleol ac yn casglu'r dreth gyngor. Bydd enw'r Cyngor perthnasol ar y bil treth cyngor neu ar hysbysiadau eraill ganddynt.

Cyfeirnod treth cyngor – mae hyn yn helpu'r Cyngor i adnabod eich cais. Bydd y cyfeirnod ar eich bil treth cyngor neu'r llythyr penderfyniad gan y Cyngor.

Tribiwnlys Prasio – mae Tribiwnlys Prasio Cymru (TPC) yn gorff barnwrol annibynnol a sefydlwyd yn ôl y gyfraith i wrando ar apeliadau yn erbyn Ardrethi Annomestig, y Dreth Gyngor ac Ardrethi Draenio.

Mae TPC yn annibynnol o'r Cyngor/Awdurdod Bilio (AB) sy'n codi biliau'r dreth gyngor ac ardrethi, ac Asiantaeth y Swyddfa Brasio, sy'n gosod bandiau'r dreth gyngor a'r gwerthoedd ardrethol.

Nodiadau i'ch helpu i lenwi'r ffurflen apêl

Adran 2 – Mae angen i'r Tribiwnlys wybod os yw eich cyfeiriad cyswllt yr un cyfeiriad ar eiddo apêl. Ticiwch 'ie' neu 'nage' yn unol â hynny. Os yw eich apêl yn ymwneud â chyfeiriad arall, rhowch fanylion y cyfeiriad hwnnw yn yr ail flwch cyfeiriadau.

Adran 3 – Mae yna derfynau amser ynglŷn â gwneud apêl. Mae'r Tribiwnlys angen gwybod y dyddiad yr ysgrifennoch at y Cyngor i ofyn iddynt adolygu neu ganslo'r bil.

Hefyd, mae'r Tribiwnlys angen gwybod y dyddiad yr ysgrifennodd y Cyngor yn ôl atoch yn gwrthod eich cais gan nodi eich hawl i apelio. Os nad yw'r Cyngor wedi ysgrifennu yn ôl atoch o fewn dau fis o'r dyddiad yr ysgrifennoch atynt, ticiwch y blwch.

Os yw'r Cyngor wedi ysgrifennu yn ôl atoch, bydd angen i chi anfon copi o'r llythyr hwn at y Tribiwnlys pan fyddwch yn anfon y ffurflen apêl atom.

Adran 4 – Esboniwch eich rhesymau dros apelio. Dylech fod mor benodol ag y gallwch. Os ydych yn hawlio disgownt neu eithriad, nodwch pa ddisgownt neu eithriad y credwch sy'n berthnasol (er enghraifft, Disgownt Person Sengl neu'r disgownt sy'n gymwys i bobl â Nam Meddyliol Difrifol).

Llofnod – Llofnodwch y ffurflen, neu os ydych yn e-bostio, teipiwch eich enw.

Nid yw'r nodiadau hyn yn rhoi manylion llawn am y ddeddf. Gallwch ddod o hyd i fwy o fanylion ar wefan y Tribiwnlys:

www.tribiwnlysprisio.cymru

Os oes angen gwybodaeth neu gymorth pellach arnoch wrth gwblhau'r ffurflen, cysylltwch â'ch swyddfa tribiwnlys agosaf. Mae manylion cyswllt ein swyddfeydd a rhestr o'r cynghorau y maent yn ymdrin â hwy ar gael trosodd.

CYSYLLTIADAU SWYDDFA I DPC

Rhanbarth Dwyrain Cymru

Tribiwnlys Priso Cymru
Rhanbarth Dwyrain Cymru
22 Gold Tops
CASNEWYDD
NP20 4PG
Ffôn: 01633 266367
Ffacs: 01633 253270
E-bost: gohebiaeth@tribiwnlysprisio.cymru

Ardaloedd: Cynghorau/ABau

CS Powys
CBS Blaenau Gwent
CBS Caerffili
CS Sir Fynwy
Cyngor Dinas Casnewydd
CBS Torfaen

Rhanbarth Gogledd Cymru

Tribiwnlys Priso Cymru
Rhanbarth Gogledd Cymru
Adeiladau'r Llywodraeth, Bloc A (L1)
Sarn Mynach
Cyffordd Llandudno
LL31 9RZ
Ffôn: 03000 625350
Ffacs: 03000 625368
E-bost: gohebiaeth@tribiwnlysprisio.cymru

Ardaloedd: Cynghorau/ABau

CBS Wrecsam
CS Sir y Fflint
CS Sir Ddinbych
CS Gwynedd
CS Ynys Môn
CBS Conwy

Rhanbarth De Cymru

Tribiwnlys Priso Cymru
Rhanbarth De Cymru
22 Gold Tops
Casnewydd
NP20 4PG
Ffôn: 01633 255003
Ffacs: 01633 255004
E-bost: gohebiaeth@tribiwnlysprisio.cymru

Ardaloedd: Cynghorau/ABau

CBS Pen-y-Bont ar Ogwr
CD Caerdydd
CBS Rhondda Cynon Taf
CBS Bro Morgannwg
CBS Merthyr Tudful

Rhanbarth Gorllewin Cymru

Tribiwnlys Priso Cymru
Rhanbarth Gorllewin Cymru
Llys y Ddraig
Parc Busnes Penllergaer
Abertawe
SA4 9NX
Ffôn: 03000 254530
Ffacs: 03000 254522
E-bost: gohebiaeth@tribiwnlysprisio.cymru

Ardaloedd: Cynghorau/ABau

CBS Castell-nedd-Port Talbot
Dinas a Sir Abertawe
CS Sir Gaerfyrddin (Rhan 3)
CS Sir Gaerfyrddin (Rhan 1 & 2)
CS Ceredigion
CS Sir Benfro